

КОК ПОЭТ — КОК ШАРНЫМАШ

1 июльшто, В.Х.Колумбым шарныме лүмеш эртарыме пайрем нерген уверым колымат, поэтым йоратыше, пагалыше-влакым ик фото дене палдарыдем шуо.

Тиде Марпединститутышто тунемме годым, 1965 ийыште лийын. Марий автономийлан 45 ий темме лүмеш литератур да искусство арня эртаралтын. Валентин Христофорович деч автографшым пуаш йодам (снимкыште). Туштак Шенше марий фотограф-любитель А.Н.Иванов ден композитор Ион Кузьмин шогат. Нуно йолташ лийыныт. *Валентин*.

- Аркадий, тол, айда сниматле, - манам (тунам але «войзо» шомак ок шокто ыле).

- Ион, тыят шогал, Морко улына-с, - манеш Аркадий семмастарлан.

А Валентин Колумб Унчышто лиймыже годым мыйын курскам Л.Н.Лаврентьев дек пурыде кодын огыл. Вездьшүргö годсекак палыме лийыныт. Сай йолташ лийыныт манашыжак ом тошт, но поэт Еремей Герасимов В.Колумблан



возимо серышыштыже увертара: «Лев Николаевич Шоруныжа гыч каен, Шернурышто ышта ала-мо... («Йөрöма», Й-Ола, 2010, В.Я.Очеев ямдылен, с.135). Очыни, курскам нерген йодын улмаш.

А вес поэтше - тиде А.Ф.Сычев. Саша дене Шенше школышто 9-10 класслаште пырля тунемынна, интернатыште иленна, пединститутыштат ик жапыште тунемме. Школышто лишылрак улына ыле, почеламут-шамычшымат каласкален, а институтышто шукыж годым поэт йолташышт коклаште лийын. Шочмо ялышкыже толмыжо годым южгунам вашлийын мутланенна. Тыгай күчык ўмыран лишеш манын шоналтынат огыл. Чаманаш да шарнаш веле кодын.

А.Ф.Сычевым шарныме юбилейым тений 5 августышто 10 шагатлан Тошметсолаште эртарена. Пагален ўжына.

Е.АЛЕКСЕЕВА,
туныктымо пашан ветеранже.